

夜

閑齋氏著

譚

隨

錄

第四冊

進步書局校印

夜譚隨錄卷之四

霽園主人閑齋氏著

葵園主人蘭岩氏評閱

秀姑

太原布客田曉美姿容喜吟嘯少失怙恃兄弟皆故一身僅存年二十楚楚落魄親戚多不齒數頗無聊賴乃盡鬻田宅獲百金入都營運半年子母幾相等因思歸娶攜裝策蹇將出廣甯門適過菜市口值秋決刑人于市阻不得進田故少年好事挨擠稠人中延頸跂足以看殺人良久覺腰間頓輕用手捫襟則腰纏盡失蓋已為剽囊者携去矣瞠目結舌手足無所措幸餘一驢牽之入市並鞍轡售得五金歸娶之念頓息獨坐逆旅中輾轉無策惟憶其姑母嫁衛輝蓋往就之於是負囊就道將至順德日已曛暮四顧曠野無人烟方追程前進瞥見林間燈火閃爍自北而南心稍定急趨赴之則一垂髻婢提白荇花燈導一女郎綠衣紅裙蓋十八九絕代姝也田踵之以行相去尺有咫女回顧見之促婢速行田不少却女且行且顧若甚慌怯者因循里許女揮汗且喘止步謂婢曰且稍停讓湍捷足者先行無事追隨成何光景其聲懇懇如微風振簫田聆之神出于舍趨向路側以揖之曰小人迷路茫茫無所之欲從小娘子覓一宿未卜可肯假一席之地否女以袖障面側身低笑向婢小語曰

孟浪人有如此者。婢亦吃吃不已。良久。女始忍笑應曰。家有母氏為政兒。凡百不與聞。姑至舍。試為汝告白。去留聽再決也。田諾諾。復從之行。又里許。始至門戶。整潔。居然富家。婢叩門。一媪出啟扉。絮絮怨女何歸之晚。女曰。為阿楠所糾纏。不容擺脫。若非婢子。嬌娘命。幾不得歸。路上又遇一失路人。再三求住。聒聒不休。不曉今日出門。向著甚底凶煞。令人毒惱。竟日。媪曰。何物失路人。擅與人家閨秀借宿。若使遇著老身。當擠卻渠兩畢丸。問渠尚敢佻達。向人否。女羞袖而笑。回眸睇田曰。聞之否。設想已左。不如及早之他。勿得話評。田逡巡欲去。媪止之。舉燭審照。曰。頭以山而瘦。齒以晉而黃。水土使之然也。視小郎面白髮濃。腳大腿長。大類山西人。郎豈山西人耶。田曰。然。媪曰。然則鄉里也。何難下榻。居一草榻。暫屈一宵。乃可峻拒乎。亟引入。設酒相款。問何姓。曰。田。媪曰。老身母家亦姓田。亦太原籍乎。曰。然。曰。十八都田布商。同譜乎。田欠身曰。小人之祖也。媪愕然曰。老身之父也。汝父何名。曰。終。媪大駭。起握田手。熟視其面曰。汝真田十二之子耶。老身去家時。十二弟纔十三歲。猶未議婚。音問梗塞。近四十年矣。不謂阿成如此成立。老身為汝父胞妹。汝之姑也。汝雖後生。豈不聞汝有三姑母。嫁為衛輝楊家婦者乎。田驟聞之。悲喜交并。起拜膝下曰。姪實將往衛輝。投托姑母。不意邂逅於此。媪曳之起。且泣曰。老身移此十二年矣。非天假之緣。焉能相遇之巧。汝父母無恙。

乎。田亦泣曰。姪七八歲時。皆已下世矣。二兄一歲。亦相繼病歿。生業凋謝。孤子至今。媪太息感傷者久之。又問曰。兒年幾何矣。曰二十。媪謂女曰。汝表兄也。女拜。田答拜。媪曰。姑無兒。祇生汝妹一人。取字秀姑。嬌養慣。事不關心。年十八。尚爾惡跳。汝姑夫歿後。家中更無男子。幸兒來。足以把持門戶。留心為汝妹覓一人家。則老身之事畢矣。曰。表妹秀慧如此。無慮不歸世族。言訖。以目眴女。女羞暈兩頰。默然俯鬟拈帶而已。媪曰。兒娶乎。曰未聘。曰有姑在。兒不憂無好媳婦。兒向日作麼生。田曰。向在京作小經紀。頗獲利息。不意失盜一身之外。無長物。竊意姑為骨肉至親。必不以姪為外人。是以千里相就。媪嘆曰。咱家世代貿易。從無坐食者。至兒不幸。罹此閔凶。至先人之業中斷。殊慚繼紹。遲日會當拚擋蓄資。兒仍作布客。爭似游惰過日。兒細思維。諒不以老身之言為河漢。田敬諾。至三更辭不能酌。姑姑呼婢。具。即於廳之東廂下榻。伺候者即前提燈婢。年十六七。極慧黠。問其名。曰秋羅。乃以秋羅呼之。因詰之曰。向於路上挑燈者。非子也耶。曰是也。曰何所之。夜深猶犯草露。秋羅曰。親戚往來。郎君何必知之。既而設衾榻。下簾剪燭。趨事頗殷勤。良久猶倚几不去。田曰。秋姐勞碌。此間無事。可以入內矣。秋曰。上房尚有春羅姐。兒奉主母命。專侍東廂。田曰。雖然夜深矣。予亦欲寢。秋姐亦合少歇。秋始含笑舉步。將啟簾。復停步回眸曰。苟有所需。幸相聞也。言訖。再眸而

去。意頗欣屬。田心為之蕩。翌日。媪以管鑰付田曰。老身有未了事。久欲之彰德。恐去後一門  
細弱。受侮強暴。故遲遲至今。今可以往矣。兒諸事可任。無庸多囑。但耐心半月餘。老身卻回  
也。田曰。姑年高。彰德路遠。恐獨往不易。媪曰。兒莫為老身慮。速多備糗糧。明日早發也。田以  
目視女。女雖無言。而顏色甚適。因思姑去。可以浸潤矣。遂亦不復諫阻。詰旦媪展轄就道。唯  
一僕媪從。女送母去。呼春羅。較羅。至閭扉。謂田曰。娘遠去。家中更無人。相以內。兒主之。相以  
外。兄司之。勿致不謹事。負老人囑託。田曰。第恐韓壽在室。自防不密耳。女佯若不聞。竄笑入  
內。田知其可動。及歸房。神魂喪失。冥想間。適秋羅送茶至。田啟小簾。出縞紗紅帕送之。秋羅  
解不納。田捉其臂。強納袖中。秋笑曰。郎君莫作惡劇。強以賄賂啗人。豚蹄祝滿篝。蚯蚓餌連  
鰲。何其所持者狹。而所欲者奢。田笑曰。物雖微。意則良厚。子非不知濡猛者。奈何故作顛預。  
令人踴躍。言交遽擁之。秋嚶嚶作泣聲曰。從未見恁底一冉弱郎。覩覩不翅女子。何作事  
乃爾。蠢蠢然。羅霸若此。田曰。霸者以力服人。子可請盟矣。捺之牀而詭之。秋故含苞。大為擊  
柝。興未闌。倏見一人啟簾入。驚視之。春羅也。卻立闌外。點頭斜視。笑向秋羅。以指畫頰。口唧  
唧作羞之之狀。田錯愕愧悔。無地。自容。頃之。春羅始入室。笑曰。秋妹。娘子喚汝矣。秋徐徐整  
衣理鬢。與春俱去。田癡坐。不敢出聲。但側耳以察動靜。一餉時。聞裙履聲。不覺心頭鹿撞。至

則秋羅也。而故作嗔態曰：幾害死人。兒死，汝豈安心獨生耶。際此時，嚇得面白如紙，兩眼似  
敗。霸者之民，騷虞如也。恐未必如是。田曰：勿復相嘲。請問春羅洩之否。秋袖出一紙，裏擲几  
上曰：不洩。漏此物，奚其至哉。速閱視。娘子俟回話矣。田不測何物，心殊搖搖。顛手折之，則錦  
戲一幅。上書小楷數行，字體秀媚。如美女簪花，誦之得詩一絕曰：春雲一朵趁風來，有意無  
心畧碧苔。既有閒情能作雨，如何舒卷上陽臺。田玩索再四，驚喜若狂。謂秋曰：的是娘子眎  
我者否。秋曰：言語愈出愈奇矣。非娘子曠能為此。田曰：然則子稍待，便攜和章去。乃吮毫濡  
濡，磨墨隆隆，搜索枯腸，勉成即就。以次其韻曰：春雲一朵趁風來，故意氤氳畧碧苔。白日有  
情先作雨，夜間打點上陽臺。詩付秋羅，并以實告。免其從中調劑。當有厚報。秋曰：自己一身  
赤貧，脫布衫黑如皂羅袍，尚不能一易，乃妄口許人。事至急處，不過仗跨間物，作醜態向人  
耳。田方欲戲之，已笑而脫去矣。去則不復更來。茶飯皆停。田疑念復萌，起坐不定。漸至漏下。  
秋羅始出，仍送一詩箋，秉燭展閱，猶次韻也。詩曰：坐待秋風出岫來，東牆月已上莓苔。娘家  
兄妹休迴避，例有溫嶠玉鏡臺。秋羅且告曰：娘子致聲郎君，可即入矣。田喜愜過望，深顛漱  
盥，整肅以隨。甫入院門，即見女倚欄而待，把握極懼，布筵對酌。各述傾慕，從此依倚閨中，不  
離跬步。女性好動，喜吟詩。詩多幽怨。田勸其節制，恐致不祥。女雖是之，而吟咏不輟。一夕方

對談。忽春羅揚聲戶外曰。主母歸來矣。二人驚怪。未下牀。媼已入室。見之大怒曰。男女受授不親。促膝可乎。田惶恐投地。願甘責罰。媼目視女。女淚滂兩頰。愧而不懼。媼曰。留親下榻。竟成揖盜入門。為是自家姪子。且似謹愿。非孀薄者。故坦然付託。出外不疑。不意親骨肉。纔半月之久。何以草創便爾。禽處獸愛。今之所謂少年老成者。尚可信哉。第事已舛謬。姪之內亦不足食。今與姪約。領老身資本二千金。往山東販貨。須志如翁伯。勿為康樂。苟能獲利三倍。即當以秀姑妻汝。否則無相見也。田崩角稽首。額為之墳。遲數日。姑出金斗一隻。玉瓶一枚。付田曰。持此去售之。善價可得二千金。明日當去。遂間如遇相識。但云先世所遺。無吐實也。田唯唯受教。歸室束裝。而拳拳懷思。如藥之苦。夜漏二下。秋羅導女潛出。相持嗚咽。各有涕洟。秋在旁亦啜泣。助二人悲哀。女脫臂上紫金條。脫為贈。更送別以詩曰。愁對空庭月影斜。泫泫別淚恨無涯。他時相訪應如夢。認取棠梨一樹花。田卷而懷之。報以白玉指環。並和其韻。以留別曰。話別匆匆月已斜。無端分手向天涯。癡情不比浮梁客。珍重東風撼落花。女見詩。淚零如雨。未及再言。春羅倉皇來告曰。主母已起盥櫛。將送田郎上路。女悲不自勝。拜而送之曰。行矣。勉之。強飯自愛。苟富貴。無相忘。言次大慟。二婢扶掖而去。雞再鳴。媼出祖于庭。戒田曰。姑鍾漏俱歇。唯此一女。汝既污之。理無他適。勉為之。俗云三卯兩成。汝兄弟四

人唯汝在矣。詎可復懈乎。舉眼無親。今傾囊付汝。一以免盜賊窺伺。一以俾汝克紹先業。他日歸來。倘失於記憶。但於近邨諮詢衛輝楊氏宅。應無不知之者。田謹誌之。強進數觥。再拜泣別。媪掩面而哭。嗚嗚。女隱身屏後。相對沈瀾。田不敢請見。負囊出門。心忽忽不知所從。步步回顧。約半里許。殘月如霧。高樹如山。烟草迷離。門庭已不可復見矣。宿食至齊魯間。易金市瓶置貨行賣。自夏徂秋。獲利三倍。竊喜有以報命。好合可期。乃盡以其資。易黃金。輕裝咸載。乘健羸。星夜馳通。比至故處。但見春林草茂。風景依稀。第宅門庭。杳不可得。憶姑臨別所囑。亟往村中問之。咸曰。此間但有衛輝楊氏墳。葬已二十餘年矣。不聞有衛輝楊氏宅也。田大驚。重至其處。果有二塚。塚前各樹短楮。半沒土中。拂拭讀之。一題河南衛輝府楊門田氏之墓。一題衛輝府楊氏女秀姑之墓。墓宅有棠梨樹。花已半却。樹後數武。又有小塚四五。知為秋羅等瘞處也。田癡立良久。拊膺大恸。始悟所遇。即其姑及表妹之鬼也。不肯負姑之恩。妹之情。遂僦居村中。鳩工百人。營建墓道。植松柏。築垣墉。復想像舊宅。如式建宅一區。買僮蓄婢。即居焉。為墓道之主。終身誓不娶婦。但納妾生子。以繼田氏。每逢節序。必厚奠恸哭。而祭之恩。茂先有田數頃。隸順德。時往徵租。與田氏子相交。誠恂恂儒雅之美少年。而為隱君子者也。茂先下榻其家。因得弔女之墓焉。其唱和之作。皆錄通以示所親。子因得寓目。茂先



有詩贈田。極溫厚。得風人之旨。具稿中。並不載。

蘭岩曰。嘗讀西廂記。而歎夫人之俗也。以家無白衣婿。促張生就道。且誓以必獲榮貴。何其不近情理也。乃楊氏婦。疎放其女。以至偷情。卒復不能暫留。責令貨殖三倍。始許好合。其為利之心。與為名等。何天下婦人。同出一轍哉。是可笑而可慨也。

李齊魚曰。晉人以錢為命。田之姑已縱其女。而猶欲田作賈三倍。而後以女妻之。其貪利之心。更甚于愛女。無怪碌碌者。白首行賈。不以妻女為念也。

### 玉公子

津門郁公子。顯宦之裔。家累數十萬金。食餼於庠。矯矯有聲。年甫二十。丰姿韶秀。故媚人以玉公子稱之。妻章氏。亦世家女。美而賢。甚敦好。第宇延袤半里許。一巷之中。無他族偏處。宅之東。新獲李總兵園。雖甚荒廢。而極閎敞。公子每思修葺。以事未果。一日。闖人通一刺云。蔚州章秀才過訪。公子好客成癖。輒倒屣逆之。客入。則十八九美少年也。眉目娟秀。飄然若仙。公子一見。傾慕。章登堂展拜曰。久冀瞻韓。無緣御李。茲獲披覲。實慰夙心。知公子得李氏廢園。虛置弗居。意將歲奉百千。暫寄家口。未識肯見諾否。公子答拜曰。君若惠然肯來。是玉樹俯倚兼葭也。石上因緣。何敢方命。章喜動顏色。再拜申謝。話談良久。然後辭去。訂以即日與

族俱來公子唯唯送之門外一揖而去公子入告章章曰歲百千稅一廢園與人計亦非左第恐其言之未必踐耳公子曰豈有溫文爾雅如韋生肯食言者乎吾同學之友多矣未有能及之者倘移居來此不特得一芳隣且得一膩友也嗚呼韋復率二僮來先奉百十公子立卻韋強委之而去公子追問實春何時移來韋曰行當入新居耳公子授錢於章並立門外俟之先見多人扛舁箱籠几榻等物陸續不絕最後香車十餘輛繞繞而至時日已曛暮望之不甚了了但聞諸女春笑語聲輕脫如羣燕相將入園去其氣象之豪華有非百萬之富不能彷彿者懷惑而入與章共測之章曰翌日汝不往拜乎相見詳論之無不得者底事妄猜疑公子以為然蚤起肅衣冠踵門請謁甫投韋即趨出把握甚懼公子環顧廳內鋪陳華麗即棟宇椽桷亦若新構殊形疑訝韋笑曰君謂舊宅不應遽生新色耶知君必即辱臨恐茅茨不剪有褻貴人故於夜間督率僮僕稍加粉飾耳公子疑遂釋而愈信其富更請拜其尊人韋曰二親與諸昆弟寄居關中並一姑適商南殷氏已二年矣此間相依者僅有新婦與弱妹三人也公子誌之遂與章議韋生有妻妹當為具米麩魚肉薪水聊盡東道誼章諾之親往餽遺韋妻秦氏年十八妖豔無可比倫與三妹美相埒章故殊麗郡中無出其右者茲與諸美相對殊慙形穢秦少章二歲與三妹皆以嫂呼章殷勤留飲極相契厚遲數日

章亦厚設。招秦及三妹飲。盡歡而罷。由是兩家往來如至戚焉。章一子在襁褓。秦亦有娠。嘗謂章曰。生男則已。苟生女。當為嫂家嬪。章曰。恐婦戲言耳。如果然。實副奢願。三妹復從旁。慫恿之。閱數日。秦果生女。章聞之。舉室歡騰。粥米餽贈。旁午于兩宅之間。及彌月。章折柬召公子曰。翌日作湯餅會。諸親畢集。所需尊客。唯君一人耳。公子許諾。預餽珍品。至期。盛服以往。親晤久一介而入。見婢媪捧梓操器者。來去紛紜。堂上寂無人語。唯聞啜吸汁咀嚼之聲。雜沓甚夥。公子啟簾坐中。一少年瞥見之。投箸而起。呼章曰。舅亟來有客至矣。諸女春倉皇走避。咸退入屏門後。章出見公子。拊掌曰。方怪是何疎遠惡客。孟浪入人內寢。乃東道主人耶。復促諸女看出曰。此西宅郁公子。通家誼也。奚避焉。諸女春悉含羞俯首。檢衽而拜。公子答拜。竊視之。皆不世妹也。而秦氏尤光豔動人。神為之奪。勉強成禮。諸男客亦各通姓字。要皆少年而富豪者。內有韋之小姨。夫白生者。與公子一見如故。恨相見之晚。相與入席。飲啖至晚而散歸。而念秦不置。微露其情於章。章笑曰。焉有長厚君子而垂涎於親家母者乎。公子曰。名分即定。亦無大碍。况名分未定乎。卿其為我籌策。不敢忘報。章笑而許之。遲數日。章設具招秦及三妹飲。而密置媚藥於酒中。獨以醉秦。秦眩眩不能支。倩婢扶入章室。着牀。輒熟寐。章笑曰。秦妹今日頗不濟。能飲幾杯酒。便爾至此。必是詐耳。三妹曰。量素淺。醉應不

妾稍息當自起。章乃命婢反閉閤子。戒勿復入驚擾。仍入座。勸三妹酒。室內故有畫幃。隱牀後。內通曲室。章預伏公子其中。公子窺伺極審。見閤子已閉。乃款款啟簾。鶴行鶯伏而出。秦已黑甜。搖之不覺。而冶容妖態。中酒益媚。先接其吻。柔香入腦。欲情火熾。因徐徐褪其亵衣。見雪股粉臂。膩如煖玉。錦繡衾幕。掩映生輝。心旌搖搖。撫摩備至。方欲狎之。忽幡然而悔。因念吾與韋生至交也。今見色心蕩。欲淫朋友之妻。何殊禽獸。苟不忍此須臾。則一生陰德喪盡矣。念及此。情欲冰釋。急為掩覆下體。躡足而返。既而三妹入室。促秦起曰。漏下矣。可違休。秦徐起掠髮理裳。面有赧色。但呼茶啜數口。輒起身欲違。章留曰。姊尚未進餐。何可枵腹去。豈其夜晚到家。更復起爨。不惹伊韋叔笑我。太吝耶。秦氏哂曰。爾非好人。不足與較。皂白。明日自有人來討。回話耳。言訖遂去。章面頰頰赤。不敢酬酢。送客回。覓見公子。潛詰何以敗露之由。公子驚曰。彼亦終熟寐。何云敗露。因以實告。公子指燈自矢。章乃笑曰。小狐媚亦大弄乖。奴言隱謎。幾愧悔殺人。明日恐有他說。君須預為檢審。公子不言。而心殊忐忑。次日章果至。必欲詰見。公子不得已。趑趄而出。章一見笑曰。兄連日不晤。在家作底事。聞兄居恒喜讀毛詩。必有所得。盍誦一二。請以開茅塞。公子窺其色不愠。中心少安。乃笑曰。是語奚其至哉。予焉足以講毛詩。韋曰。兄不讀詩。何以能好色而不淫也。公子聞此說。打入心坎。羞愧不復。

能對韋大笑曰。無傷也。今而後。愈信兄之為人矣。昨夕所為。幾希禽獸。而一念之轉。大禍去身。兄真吉人哉。昨有妙手空空。伏兄臥室。窺伺久矣。苟非兄猛勇。遣善。則雖繞以千圍。化為螻蛄。無所逃遁也。牀下有物。可入驗之。公子驚怔。不甚解其所謂。韋去。急索牀下。果見一物。光白如雪。大駭。取視之。則利匕首一具也。不覺毛髮森豎。汗出如瀉。章亦股栗。乃相與踵門。負荆匍匐請罪。秦扶章入室。毫不介意。媽然向章曰。嫂何必爾。兒與公子。本有一宿之緣。昨晚已勾卻一半矣。嫂為公子運籌。不無罪過。今既能改。是無過矣。兒何芥蒂之有。但此事仍須密秘。倘洩漏於人。兒將羞死矣。不久尚有祈請。容緩言之。章感其情。轉增羞赧。從此仍相往來。和好無間。居無何。白生忽衣冠而至。執禮恭謹。公子愕然曰。忘形已久。胡復拘拘。白白平日無冠昏喪祭之事。不過詩酒招携。今有大慶。安敢失度。公子問有何慶。白曰。韋家姨夫有弱妹三人。久貞不字。以兄錦心綉口。玉質金心。欲盡通於兄。以充妾媵。諒兄不見卻也。公子乍聞而驚。既而喜。驚喜少定。乃疑而笑曰。兄勿妄言。世間甯有此事耶。白曰。此事不奇。何故天下無之。且諸事或可妄言。此何事可妄耶。公子曰。韋君至交。其妹猶吾妹也。何敢出此。白曰。惟其至交。故萌此意。否則萬金為聘。不能求其一諾矣。况乎三哉。公子入商於章。章驚喜尤甚。極力贊成。公子出拜白曰。苟能如願。當以身酬。白笑諾而去。越數日。韋先送粧奩至。

大小百餘拾。靡不窮極華美。約值萬金。公子向章道謝。章致敬曰。以兄勇於改過。洵中流砥柱也。三妹得所。托付無任慶幸。公子搗謙特甚。及定情合好。如鼓瑟琴。三妾妖豔。各擅所長。與章亦極莫逆。公子自說。何修得此。喜出望外。一日。秦謂章曰。女可離乳。自是郁家婦。當留汝家。與三妹共鞠育之。行將遠別。章驟聞之。不勝駭愕。問將何往。秦曰。運關中。依舅姑耳。章以告公子。公子廢然。即往見章。章適過訪。相遣於門。章曰。違心迫切。急欲戒途。離別自今。趨承無日。不勝惆悵。公子悽然曰。相得正懼。遽忍言別。兄雖脫口。弟不忍聞。章曰。三妹一女。幸托喬松。東遊之願不虛。西遊之念遂擊。言瞻岬岵。春念椿萱。通思頓興。刻不容緩。十年復當復相聚。無戚戚也。公子潛然。不克自樂。章慰之而去。公子與章謀。欲賦筵為餞。三妾止之曰。無庸。恐弗及。公子不聽。部署已定。親往邀之。至則門館空虛。一無所有。不知何時。舉族皆行矣。涕泗而返。章亦啜泣。三妾毫不介意。又三年。三妾忽倉皇謂公子曰。知君家有貝葉梵字。金剛經尚存否。公子曰。此鎮家之寶也。尚什襲供奉於佛堂。焉得不存。三妾喜躍曰。然則兒輩得生矣。公子驚詢何故。三妾乃赧然實告曰。兒輩非人。實狐也。以大叔在邁。故父母令兒輩攜來東遊。以避之。知君家供奉此經。遂托宇下。繼見君改過如決蕪。祥和滿室。史害不侵。故以兒輩見托。今大叔已屆。午後雷雨大作時。祈君念一夕之情。匿兒輩與姪女於佛座下。

君開經虔心跪誦佛經。則此劫可逃。然後共究性命之原。講修持之道。仙籍可登也。公子始大驚異。謹誌之。午後果見西北方奔雲如墨。隱隱雷鳴。三妾惶惶伏佛座下。立化為狐。公子惻然。急納小女於案下。以佛幡覆蔽之。與章虔心開經。向佛跪誦不輟。頃之雷電大作。天地震搖。公子與章俯伏戰兢。而誦經愈急。良久忽聞人語曰。何如。又一人應曰。止止。已奉佛旨免之矣。俄而寂然。雷聲漸遠。三妾已抱姪女鵠立於前。喜溢眉宇。叩謝公子與章。各相慶幸。公子自此世念頓灰。日與三妾講求至道。章亦究心玄學。十年不懈。後竟徒家關中。不知所終。想與章會矣。章有侍女青蘋者。嫁為鹹商范氏姪婦。玉公子事蘋。每向其親戚。鑿鑿言之。閒齋曰。淫心一熾。已伏禍機。正念一生。遂登仙錄。甚矣人之貴能改過也。克已復禮。天下通仁。一念之善。可不擴充哉。

### 螢火

恩茂先秋夜見過。把酒持螯。相與談鬼。茂先因言其伯祖達公。為永州太守時。一僮名淘氣者。年十七。頗穎慧。貌亦韶秀。公命掌書記。夏夜苦熱。僮獨宿書齋。移榻當軒。白身高卧。見檐前流螢一點。光大如雞卵。異之。轉瞬間。增五六點。繞軒而飛。默念此地螢火。乃如此之大。足見土地異。氣候別。而物亦殊也。尋亦睡去。朦朧之際。覺私處有物蠕動。驚起視之。一螢集焉。

亟捉之已飛去矣。笑曰。么麼小蟲亦思此道耶。因引被覆下體。仍覓黑甜。甫交睫。似有人啗噬然。啟其被角。覷寢中。嫻於究竟。少間漸伸一手入被中。竟捫其勢。遂慘然如夢覺。不能轉側。繼又似女人就而交接者。良久方去。乃暮然而寤。精已遺矣。次日頗倦憊。然冥想其趣。正欲其再至。故不以告人。日暮深體修容。躺卧故處。移時螢火漸繁。假寐以俟之。漏三下。果有一女子來。啟被角微窺之。綽約如仙子。僮喜極。急起抱持之。女愧縮殊甚。擬脫欲逃。僮低語曰。既自來就人。何須爾爾。女因默然不動。頰首羞頰。任僮所為。僮遂狎之。綢繆備至。自此無夜不來。五更便去。兩月如一日也。僮叩其姓字。女曰。妾以誠告君。君其勿怖。姚氏。父為明季太守。曾居此署。頗事科斂。妾時少年十八。以婚姻非時。憔悴而死。生時酷愛梨花。故屬續時。為託老母。即瘞此園中梨樹下。因見君年雖貌美。不避草露之嫌。輒爾寒裳相就。幸勿以對非見遺也。僮歎暝方深。忽聞其為鬼。驚悸欲狂。舉枕擊之。應手而滅。遂蹶跣而走。直叩宅門。宅中已寢。聞叩門非時。疑為火盜。亟振管闔扉。僮猝然擠入。舉宅無不驚避。公自出。叱而止之。僮拔地戰兢。良久始定。備述所見。崩角求寬。公命服以丹砂。便為着襪。翌日。果於梨樹下。發得一朱棺。剖視女屍。容華不變。亟命人舁之郊外。焚而葬之。僮卧病月餘。尋卒。其父母至今存焉。



蘭岩曰。一時科斂異代。猶敗露於鬼物。深堪愀惕。乃僅始豔美。而不加察之。無端又痛絕之。繼聞其言。而不少憐惜。又杖擊之。其病月餘而就木也。宜哉。

#### 柴四

固原柴四。販羊磁州。生計潦倒。值秋風起。歸思迫切。策蹇就道。偶失路。悞入叢薄中。屯如遭如。飢且疲。乃捨騎而徒。是時驢斃枯葦。人啗乾餒。且林樹在望。可謀小憩。正行間。驀然蹶起一兔。竄出草間。驢驚閃。適道旁一智井。驢失足而墮。鞭在柴手。猝不及脫。亦隨墮焉。井中黑暗如夜。泥深沒踝。暗中摸索。無計可出。自拚必死。悲悼逾時。已而有隙光透入。望如一線。即之。得一石門。力撼之。豁然開闢。門外細草茸茸。萬花如繡。遠山橫黛。近水拖藍。天朗氣清。一目千里。柴驚喜出意外。即牽驢而入。度花叢纔半里許。便得一徑。夾徑奇葩異卉。悉平生所未睹。桃花千葉。皆大如碗。時際殘秋。而其地風景。則似暮春。懷惑殊甚。乃騎驢得行去。卒至一村。落清流環繞。綠樹陰濃。板屋竹塢。儼如畫裏。就中黃童白叟。各有怡顏之色。暮見柴無不驚怪。而尤怪其驢。雖聚觀紛議。而莫敢近者。柴不測何意。但下氣柔聲。告以飢苦。一老人指示之曰。向西石橋畔。有荀孺子宅。富而好禮。盍往見之。柴如其教。至則一高門。面橋極煥赫。剝啄久之。一蒼頭出。應門。訊而入。又久之。荀孺子出。白首美鬚。年約四十許。岸幘方